

Održana internet-prezentacija zemljišnoknjižnih podataka

31.01.2017 12:09



Putem zemljišnoknjižnog informacionog sistema "e-Grunt" građanima Federacije BiH je od 30. januara

2017. godine omogućen uvid u zemljišnoknjižne podatke na osnovu broja parcele i broja zemljišnoknjižnog uložka, te praćenje statusa predmeta u zemljišnoknjižnom uredu.

Projekt su, u okviru Projekta registracije nekretnina, proveli Federalna uprava za geodetske i imovinsko-pravne poslove i Federalno ministarstvo pravde. Navedenim projektom osigurano je i održavanje zemljišnoknjižnog softvera „e-Grunt“, koje uključuje i redovne kvartalne posjete zemljišnoknjižnim uredima, izradu novih verzija softvera, održavanje uspostavljenih VPN konekcija između zemljišnoknjižnih ureda i centralne lokacije u Federalnom ministarstvu pravde.

Direktor Federalne uprave za geodetske i imovinsko-pravne poslove gosp. Željko Obradović je prilikom prezentacije informacionog sistema istakao njegovu važnost te trud i rad svih koji su pomogli da se projekt realizira i, konačno, predstavi javnosti. Cilj projekta je stvaranje jedinstvene baze podataka o nekretninama, te jednostavnost i brzi pronalazak tražene informacije. Javnost će imati priliku dobiti tačne, sigurne i pouzdane podatke o svojim nekretninama, što je osnov za rješavanje osnovnih pitanja u prostoru. Svi katastarski podaci su u jedinstvenoj bazi podataka katastra nekretnina, a 67% parcela je u digitalnom obliku. U cijelosti je završena digitalizacija zemljišnoknjižnih uložaka, tako da je zemljišna knjiga u FBiH potpuno digitalizirana, naglasio je direktor Obradović.

Federalni ministar pravde gosp. Mato Jozić je istakao da su navedeni podaci zaštićeni na osnovu Zakona o zaštiti ličnih podataka i neće biti zloupotrijebljeni te da se tim podacima služe policija, notari, advokati i svi ljudi koji su u vezi sa zemljišnoknjižnim uredima.

Posebna zahvalnost na tehničkoj i finansijskoj pomoći duguje se Svjetskoj banci, čija je predstavnica također prisustvovala prezentaciji i obratila se prisutnima. Šefica Ureda Svjetske banke u BiH gđa Tatjana Proskurjakova je istakla da je 500.000 ljudi primilo direktnu pomoć uslijed boljeg upravljanja zemljišnoknjižnim podacima u okviru Projekta registracije nekretnina.

Na kraju ceremonije premijer FBiH gosp. Fadil Novalić je testirao informacioni sistem "e-Grunt", koji će utjecati na privlačenje domaćih i stranih investicija. Premijer FBiH je izrazio zadovoljstvo ovim pozitivnim projektom i istakao da je sređeno i tačno stanje u sektoru zemljišne administracije, katastra i zemljišne knjige, odnosno prostornih podataka osnov za uspješnu restituciju, kreditnu podršku i tržišnu privredu u cjelini.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```